


Покаянный
АКАӨИСТЪ

Пресвятой Владычицѣ нашей
БОГОРОДИЦѣ.



Напечатано
въ Богородице Владимірскомъ Женскомъ Монастырѣ
3365 — 19th Street San Francisco, Calif 94110
1980


Сей Акафистъ составленъ былъ родителемъ нашего Первоіерарха, въ Бозѣ почившимъ Архіепископомъ Димитріемъ Хайларскимъ (б. Протоіереемъ Николаемъ Вознесенскимъ) въ 1925 г. въ честь и память Великихъ Чудесъ Обновленія Честныхъ Изображеній, въ то время совершавшихся на Дальнемъ Востокѣ, наиболѣе же въ память Обновленія въ Обители Св. Образа Владычицы Владимірской.

Перепечатано:

**Ко дню Пятидесятилѣтія въ священномъ санѣ (1931 4-І 1981)
Его Высокопреосвященства Высокопреосвященнѣйшаго
Первоіерарха Русскія Зарубежныя Церкви
МИТРОПОЛИТА ФИЛАРЕТА.**

Покаянный
АКАФИСТЪ

Пресвятой Владычицѣ нашей
БОГОРОДИЦѣ.



Напечатано
въ Богородице Владимірскомъ Женскомъ Монастырѣ
3365 — 19th Street San Francisco, Calif 94110.

1980



**По благословенію
Высокопреосвященнѣйшаго Митрополита ФИЛАРЕТА
Первоіерарха Русской Православной Церкви Заграницей**

ПОКАЯННЫЙ АКАѢИСТЪ

ПРЕСВЯТОЙ ВЛАДЫЧИЦЪ НАШЕЙ
БОГОРОДИЦЪ.

КОНДАКЪ I-й.

Избранной Небеснымъ Царемъ, превысшей и умныхъ чиновъ, всеблагой Царицѣ, | рода христіанскаго Заступницѣ | и отъ всѣхъ золь и напастей скорому вспоможенію, | вси мы, грѣшніи и въ безмѣрныхъ бѣдахъ сущіи раби Ея, | со слезами и умиленіемъ сердца, принесемъ покаянная пѣнія: | Ты же, яко премилосердная Мати наша сама духоносному моленію настави насъ | и пріяти сія воздыханія души нашея удостой: | о Благодатная, помилуй насъ и спаси, | и паче солнечною теплою любви Твоея | грѣхми умерщвленный нашъ духъ оживи.

ИКОСЪ I-й.

Тьма невѣрія и въ снѣ глубоцѣ заустѣніе жизни богоподобныя обѣща до конца предавшійся тлѣнію родъ человѣческій, и въ неисходныхъ

плѣнцахъ паденій грѣховныхъ оковалъ все ны свѣтоненавистникъ и древній убійца-діаволъ, князь міра сего. Но и врагами содѣлавшихся, не преста-ла любити людей своихъ благодать Творца, насъ спасающаго, и Тобою, о пренепорочная Дщерь Давидова, обѣтовалъ Онъ изначала даровати по-гибшимъ Сѣмя жены Христа Еммануила. Се и мы нынѣ, аще и ослѣпихомъ очеса наша маловѣріемъ и ужасаемся глубины неотмытыхъ беззаконій своихъ, но отъ Тебе, о Мати Свѣта, чаемъ спасенія, и не ищуще самооправданія во грѣсѣхъ неисчетныхъ, Тебе надеждою непозыблемою къ себѣ зовемъ: **о Благодатная, на помощь къ намъ поспѣши, — Царице Небесная, изъ бездны паденій насъ исхити; о Благодатная, лучами свѣта горняго всеобдержашій мракъ житія нашего озари, — Дѣво Пречистая, сіяніемъ чистоты Твоея грѣхми потемнѣвшія наша сердца освѣти; о Благодатная, бѣжати льщеній лжи и грѣха Ты насъ научи — Матерь Святѣйшая, любовь и вѣрность правдѣ въ души наша вложи. О Благодатная, помилуй насъ и спаси, и паче солнечною теплою любви Твоея грѣхми умерщвленный нашъ духъ оживи. ¹⁾**

1) Можно пѣть: о Благоцатная, Ты насъ спаси и любовію Твоей утоли нашу печаль.

КОНДАКЪ 2-й.

Оставивше дворъ Отчій и, яко блудный сынъ, на страну далече отышедше, во мракъ язычества, тину страстей и сѣнь смертную впадоша вси сыны Сиєовы, и ни царь и ни пророкъ, ни ангель и ни мудрецъ, но точію Божественный Сынъ Твой, о Благодатная Маріе, возможе ихъ къ свѣту боговѣдѣнія привести и вся силы, яже къ животу и благочестію, даровати, да умиленнѣ, спасеніе обрѣтше, Творцу и Избавителю своему поемъ: аллилуіа.

ИКОСЪ 2-й.

Шаташася всеу языцы и людіе заблудшіи поучахуся тщетнымъ, понеже забвено бысть чистое преданіе сыновъ Божіихъ, и сѣть многобожія привлече осуетившіеся народы въ кумирслуженіе лжи и истаяваніе вредоносныхъ похотей и скверны угожденія грѣхлюбивой плоти. Егда же предста Тебѣ, вѣщати дивная, воинствъ ангельскихъ вождь — Гавріиль, разгнася Свѣтомъ Востока идольской лести ношная тьма, и начатокъ явися во Христѣ Іисусѣ всякія плоти конечнаго исцѣленія. Тѣмже и мы умиленнымъ сердцемъ, главизну спасенія нашего видяще, со Архангеломъ въ благоговѣніи Тебѣ взываемъ: о Благодагна, всегда съ Тобою Богъ и Господь, — Дѣво Богородице, спасеніе Той и намъ въ Тебѣ содѣла; о Благодатная, коль благословенъ во истину пре-

чистаго чрева Твоего Божественный Плодъ,
— святая святыхъ Святѣйшая, въ Тебѣ вмѣ-
стися невмѣстимый и небомъ, не точію брен-
ною землей; о Благодатная, колище величіе
сотвори Тебѣ Царь и Господь, — Матерь
Безневѣстная, любви безконечной и намъ
осіяй животворящій свѣтъ. О. Благодатная,
помилуй насъ и спаси, и паче солнечною те-
плотою любви Твоея грѣхми умерщвленный
нашъ духъ оживи.

КОНДАКЪ 3-й.

Новую тварь созидати и людей Своихъ во еже
не земная, но горняя мудрствовати привести, сни-
де съ небесе во юдоль земную Человѣколюбець
Господь, отъ Негоже и поднесъ устрояется цар-
ствіе Божіе на земли и претворяетъ собою, якоже
квасъ добрый, да вскисаетъ все многоразличное
смѣшеніе человѣческое. Мы же, единое стадо
Христово возлюбивше и крѣпцѣ во дворѣ Его
присно сердцемъ утверждающесе, единодушно, и
въ паденіяхъ нашихъ всяпобѣждающему, Владыцѣ
жизни нашея поемъ: аллилуіа.

ИКОСЪ 3-й.

Горній Іерусалимъ всегда осіяя и всеоживляю-
щею Благодатию Св. Духа утѣшая прославленныхъ
Своихъ, яви Господь и въ мірѣ земномъ жизнь и

силу царствія Своего, и уже не юдолю нлача и слезъ, но мира всеутоляющаго и радости нескончаемыя, ея же никтоже можетъ отъяти, предстоитъ всѣмъ вѣрнымъ небошественный путь странствія нашего во временномъ семъ бытіи. На него же взирающе, и мы недостойніи и лѣниви, къ сему блаженству призванніи, но измѣною безвѣрія и пустотою міролюбленія себе изъ него извергшии, отъ Тебе, о Богомати, помощи и спасенія себѣ чаемъ и слезами раскаянія и сердечнаго обращенія отъ гибели сея вопіемъ: **о Благодатная, Ты насъ исцѣли, — Мати милосердная, прощеніе Божіе намъ испроси; о Благодатная, къ жизни въ Сынѣ Твоемъ возврати. Небесный Покрове нашъ, токомъ благодати, сущей въ Тебѣ, изсохшее сердце въ насъ ороси; о Благодатная, не люби мира и злыхъ, яже въ мірѣ, насъ научи, — Дѣво Пречистая, влеченія сердца нашего къ чистой любви Христовой устреми. О Благодатная, помилуй насъ и спаси, и паче солнечною теплотою любви Твоея грѣхми умерщвленный нашъ духъ оживи.**

КОНДАКЪ 4-й.

Небошественнаго пути златыя правила имуще и мало избранныхъ, въ сихъ подвизающихся, повсюду присно видяще, въ Тебѣ, на высшую сте-

пень богоподобія восшедшей, образъ небесной мудрости и въ Бозѣ вѣчнаго созиданія обрѣтаемъ и Тобою преизлиха утѣшаемся, ибо наипаче предъ всѣми слагала еси въ чистѣйшемъ сердцѣ Твоемъ вся слова дѣяній и ученій Воплотившейся Премудрости — Сына Твоего: отнюдуже пріискреннѣ о всѣхъ сихъ умиляющесея и дивная духа въ Тебѣ созерцающе, Богу, толико прославльшемуся во святыхъ Своихъ, похвальнѣ вси воспѣваемъ: **аллилуіа.**

ИКОСЪ 4-й.

Внутри насъ, якоже рече Господь, — въ сердцѣ чловѣка, его просвѣтленіи, новой жизни и горѣ устремленіяхъ, есть Царствіе Божіе, еже именуется правда и миръ и радость о Душѣ Святой, и красотою благоустроенія души во избранныхъ Божіихъ огнезрочнѣ сіяетъ намъ. И сіе совѣстію вѣдуще и духомъ ищуще, дѣлы же студными и окаянствомъ беззаконій своихъ вспять — во страну самоистуканныхъ страстей — отторгающеся, Тебе, во избранныхъ избранную, восполнити и утолити наше обнищаніе просимъ и скорбными воздыханіями сердца сыновнѣ умоляемъ сице; **о Благостная, приблизитися къ Тебѣ помози, — силь Повелительнице, о Бозѣ возмогати насъ укрѣпи; о Благодатная, сею благодатию, въ Тебѣ преизбыточествующею, оскудѣвающая сердца наша напой, — во**

блзѣ Помощнице цвѣты добродѣланія въ
пустынныя наши души всади; о Благодатная,
достигати Царствія Сына Твоего подвигни
насъ и усоверши, — непорочности Вѣнче,
духовныя блага цѣнити и искати насъ научи:
О Благодатная, помилуй насъ и спаси, и па-
чесолнечною теплотою любви Твоея грѣхми
умерщвленый нашъ духъ оживи.

КОНДАКЪ 5-й.

Яко пшеница добрая на нивѣ, вырастаетъ и
класы плодитъ и зрѣетъ незримо въ сердцѣ чело-
вѣка Царствіе Божіе, и сторицею выращаетъ
Отецъ щедротъ сѣмя словесъ Его, аще почвою
доброю, углубленною и потомъ усердія воздѣлан-
ною приѣмлетъ сіе сердце наше. И сія вся добрѣ
вѣдуще и радостнѣ созерцающе во святыхъ Бо-
жіихъ, вси мы благодарнѣ прославляемъ Единого
Виновника всяческаго добродѣланія — Тебе, Отца
свѣтовъ, отъ Негоже исходитъ всякое даяніе бла-
го и всякъ даръ совершенъ: аллилуіа.

ИКОСЪ 5-й.

«Блаженни слышавшіи слово Божіе и хранящіи
его», ибо ни въ семъ вѣцѣ, ни въ будущемъ не
отнимется отъ нихъ сія благая часть, и соблюде
ю въ добромъ и чистомъ сердцѣ своемъ, всегда
приносятъ они въ терпѣніи обильный плодъ свой,

радуясь. Ибо и братомъ, и сестрой, и даже матеріею Свою удостоилъ наименовать ихъ Господь, аще исполняютъ они волю Отца Его, Иже на небесахъ. Воистину, сиче еще и духомъ и всею жизнію содѣлалася Ты, о Пресвятая Дѣво, Матерію Господа Твоего, Егоже Пречистая плоть исткася отъ Твоихъ честныхъ кровей: ибо паче всѣхъ, соблюла еси Божественное слово Его и къ небесемъ со славою восшла еси, сотвориши волю Отца Небеснаго. Мы же вси, умомъ и сердцемъ свѣдущи сія солищемъ блистающія доброты Твоя, и радостию прославляюще во Успеніи Твоемъ къ небеси возвышеніе рода человѣческаго, благоговѣйными усты согласно поемъ божественныя величія Твоя: **о Благодатная, яко Мати Владыки, воцарившаяся на небеси, — Вѣнче. Превышій всякаго созданія, и насъ, скорбныхъ и убогихъ, не оставляющая на земли: о Благодатная, на ямени исполненія заповѣдей насъ утверди, — Возлюбленная Богомъ и лики ангельскими, и наша замкнувшіяся и въ могилу себялюбія погребльшіяся сердца отверзи къ любви; о Благодатная, изъ душевной темницы гордыни, унынія и плотскихъ похотей вся ны изведи, — Царице Небесная, къ Божію роду и насъ, страстьми оземлянѣвшихъ, спричти и подними. О Благодатная, помилуй насъ и спаси, и паче солнеч-**

ною теплотою любви Твоея грѣхми умерщвленнѣй нашъ духъ оживи.

КОНДАКЪ 6-й.

«Иже нѣсть со Мною, на Мя есть, и иже не со Мною собираетъ, — расточаетъ», рече Своимъ вѣрнымъ Ипостасная Премудрость, Христосъ Господь, прозирая въ глубинѣ вѣковъ всепроницающимъ Окомъ Своимъ и сего дне, объюродѣвшихъ безъ Христа мудрецовъ, на песцѣ зиждаемая строе-нiя. Ихже шатанiя видяше и въ познанiи праеды христiанскаго благочестiя паче утверждающесея, проникновеннымъ сердцемъ и усты воспѣваемъ мы Единому краеугольному Каменю небесныхъ и земныхъ созданий, Владыцѣ Христу: **аллилуiа.**

ИКОСЪ 6-й.

Путь и истину и жизнь прiять родъ человѣчскiй во Христѣ, и побѣда, еюже Онъ побѣди мiръ, содѣлася достоянiемъ всѣхъ вѣрныхъ Его-добрыхъ дѣлателей здѣ виноградника Божiя. Ибо не точiю залогъ блаженства вѣка грядущаго Владыка даруетъ имъ, но въ доброй совѣсти каждого во благо устрояется всяческое и земное дѣланiе ихъ, и въ правдѣ создается взаимное служе-нiе братiй, любовiю и миромъ побѣждающее вражду и раздѣленiя въ людѣхъ; наипаче же отъ рабства и тьмы заблужденiй свободитъ сей вѣрный рабъ земное житiе свое. Обаче — увы намъ,

въ лѣности и небреженіи и слѣпотѣ безумно ижди-
вающимъ, неисчетною цѣною дарованное, премір-
ное сокровище свѣтозарныя вѣры Христовой!
Ибо и плѣнь и узы, и ослѣпленіе свои въ—свобо-
ды—мѣсто возлюбили самопрельщеннѣ всѣ мы,
свѣтъ заповѣдей Царя своего забывъ до конца и
самохотнѣ предавшеся соблазнамъ и обманамъ :
многимъ въ сіи лукавые дни, яко и вся добрая,
отцы преданная, правила паче и паче расточати,
въ небреженіи своемъ безъ Христа и свѣта вѣры
устроая свою жизнь. Сего ради Тебе, яко стѣну
вѣры и жизни христіанскія, никіими же злыми
рушиму, добрѣ вѣдующіи и Единую Надежду се-
бѣ имущіи, изъ бездны отчаянія умоляемъ и во-
піемъ: **о Благодатная, Сама сущи во истинѣ,
ко истинѣ и насъ приведи,—Милостивая из-
немогшимъ Помощнице, побѣдителями грѣха
молящихся Тебѣ сотвори; о Благодатная,
еже видѣти и ненавидѣти злой плѣнь свой
нашъ умъ озари, — мудрости горней сокро-
вище, красная жизни вѣчныя очесамъ сердца
яви; о Благодатная, соблазновъ прельщеніе
отъ насъ отжени,—правды Христовой Свѣтъ
немерцающій, развѣвати, яко пыль плевель-
ную. лукавыя ухищренія вся ны умудри. О
Благодатная, помилуй насъ и спаси, и паче
солнечною теплою любовью Твоя грѣхми
умерщвленый нашъ духъ оживи.**

КОНДАКЪ 7-й.

Дѣво Пренепорочная, Жизнь міру родившая, пріобщитися и насъ, недостойныхъ, сея истинныя Жизни въ Сынѣ Твоемъ призови и лику избранныхъ Его сопричти; и якоже Сама отъ дольнихъ земли къ горнимъ восшедшая, и наши одебелѣвшіе взоры горѣ устреми и духовная зрѣти научи; во глубинахъ души нашей всецѣлую преданность Богу, яко Отцу любви, возбуди, да пріискреннѣ славословимъ Его, вкупѣ, во имя Его, сошедшеся: **аллилуіа.**

ИКОСЪ 7-й.

Коль свѣтла и благоотишна, коль сладка и радостна жизнь богоизбранныхъ во Христѣ, коль дивныя знаменія силы и любви являетъ въ покоѣ ихъ сердца Сладчайшій Спаситель нашъ, Господь Іисусъ! Тако и во всѣхъ тяготахъ и обремененій и скорби душевной къ Себѣ зоветъ насъ Его безконечная Любовь, — да возьмемъ иго Его на себя и да образъ кротости и смиренія Спаса своего въ сердце свое воспріимемъ мы. И благо Его иго, и бремя Его по истинѣ легко, всякую тугу сердечную облегчая во утѣшеніе намъ и отрадой мира неотъемлемаго преобразуя сію скорбную жизнь. Обаче всѣхъ сихъ благихъ въ развращенныхъ и стропотныхъ грѣха лишившіися, тлю же похотей и зависти, и злобы, и унынія, и иная вся плевельная въ сердцѣ стяжавшіи, прегорцѣ во всѣхъ сихъ

осуждаемъ себе и стеньше, въ покаяніи нелице-
мѣрнемъ къ Тебѣ единѣй они свои возводимъ и
сыновнѣ зовемъ: о Благодатная, прости насъ,
прости,—дверь милосердія намъ отверзше,
люди своя воззови; о Благодатная, благое
иго Христово желати насъ научи, Небесный
Образе смиренія, сіе съ кротостію и въ наше
сердце вложи; о Благодатная, миръ въ наши
души, миръ и съ ближними намъ ниспосли,
—мира и любви Владычице, все житіе страж-
дущаго народа Твоего умири и въ покаяніе
возраждающее приведи. О Благодатная, по-
милуй насъ и спаси, и паче солнечною тепло-
тою любви Твоея грѣхми умерщвленный
нашъ духъ озари.

КОНДАКЪ 8-й.

Бисеръ многоцѣнный и почестъ наивысшаго въ
мірѣ семъ знанія даровася намъ Отцемъ свѣтовъ
и Источникомъ щедротъ, яко сынамъ Святыя Его,
Единыя Православныя Церкви, яже есть столпъ и
утвержденіе истины. Мы же, аще по достоянію
цѣнити сего не навыкше и дѣяньми сквернаго грѣ-
хлюбія всечасно симъ измѣняюще, — обаче о та-
ковомъ царскомъ званіи своемъ умиленнымъ бла-
годареніемъ Призвавшему насъ—Владыцѣ неба и
земли—поемъ: аллилуіа.

ИКОСЪ 8-й.

«О роде невѣрный и развращенный. Доколѣ Я съ вами, доколѣ терплю васъ» возгласилъ и въ долготерпѣнїи Своемъ Господь — о тѣхъ, иже въ безвѣрїи и притворствѣ, еще же въ лѣности и пустотѣ сердца и въ сквернахъ грѣховныхъ, приступали къ нему, и тѣма суще, къ Свѣту Чистѣйшему приобщали себя. Но се и мы, аще и христіане именуемїи, такожде мучимъ и распинаемъ Спасшаго насъ, ибо злобою многою и ожесточенїемъ, и измѣнами невѣрїя, и язвами всеожигающихъ страстей по вся дни уязвляемъ Его, и немогуще отъ хладности и небреженїя, и отъ лѣни своя, въ покаянїе и исправленїе прїити, паче и паче движемъ на себя праведный гнѣвъ Судїи. Ты же. Единое Упованїе наше, благодатїю всямогущи, — можеши и сія неисцѣльные недуги уврачевати намъ и праведнѣ на ны движимый гнѣвъ Божїй Твоимъ предстательствомъ и молитвами утолити и отвести. Сего ради всѣмъ усердїемъ, всею любовїю своею и изъ глубины сердца воздыханьми къ Тебѣ припадаемъ и вопїемъ: о Благодатная, помози намъ, о помощи, — Мать милосердная, изъ мерзкой тины грѣховъ изыми; о Благодатная, елеемъ любви Твоей одеревенѣвшее сердце наше слягчи, — всѣхъ насъ возлюбившая, лучами доброты Твоихъ оледянѣнїе лѣности нашей и самохотныхъ вожделѣнїи въ нашей душѣ расто-

ли; о Благодатная, въ вѣру, въ жизнь духа призови насъ и введи—Дѣво Пречистая, сердцемъ коснутися святости и любви Христовой насъ подыми. О Благодатная, помилуй насъ и прости, и паче солнечною теплотою любви Твоея грѣхми умерщвленный нашъ духъ оживи.

КОНДАКЪ 9-й.

Сотвори Тебѣ величіе Сильный, яко возлюбленной Матери Божественнаго Сына Своего, яко святѣйшей изъ святыхъ, честнѣйшей херувимъ и славнѣйшей безъ сравненія серафимъ. Обаче и Тебѣ путемъ крестнымъ идти къ сей славі указала Отчая Любовь, егда устами Симеона предрече, како оружіе пройдетъ сквозѣ матернски — скорбящее сердце Твое. Мы же, яко во спасеніе наше все сіе будетъ, вѣдущи, и безмѣрности Божественной благодати къ намъ грѣшнымъ постигнути не могуши, благодарнѣ пѣснь хваленія возносимъ Ему: аллилуіа.

ИКОСЪ 9-й.

Огненную цѣпь лютыхъ мученій, и наипаче позорнаго пригвожденія ко кресту, претерпѣ предъ очима Твоима Божественный Сынъ, до конца покорною Отцу волею испивъ чашу, всѣ грѣхи міра омывающихъ, страданій Своихъ. И то зряще и сердоемъ съ Сыномъ распинающися, до конца испи-

да и Ты чашу сію, изболѣвшимъ сердцемъ Своимъ усыновивъ Себѣ во Христѣ всѣхъ страждущихъ и озлобляемыхъ, кои изнемогаютъ подъ бременемъ жизненнаго креста своего. Сего ради и мы во всѣхъ печалѣхъ и тѣсныхъ обстояніихъ своихъ, къ Тебѣ, яко Матери состаждушей всѣмъ скорбнымъ и угнетеннымъ, прибѣгаемъ и въ горестяхъ и напастяхъ дней сихъ Тебе съ надеждою крѣпкою зовемъ: **о Благодатная, Ты насъ заступи, —Любовію пламенѣющая, болѣзни лютыя многовоздыхающія души моя утоли; о Благодатная, терпѣніемъ въ скорбѣхъ нашихъ усоверши, —Благословенная Богородице, силу поборати искушенія въ насъ утверди; о Благодатная, отъ злыхъ обстояній насъ свободи, — Матерь Всеблагая, Твою силу-всепобѣждающую и враговъ правды разящую-народу маловѣрному нынѣ яви. О Благодатная, помилуй насъ и спаси, и паче солнечною теплотою любви Твоея грѣхми умерщвленныи нашъ духъ оживи.**

КОНДАКЪ 10-й.

Искони видѣша народи христіанстїи Твое, о Крѣпкая Охрано бѣдствующихъ и погубляемыхъ, неусыпное о нихъ попеченіе, ея же ради вины и прославиша Тя вси и изъ рода въ родъ свидѣтельствоваша о дивныхъ чудесѣхъ, всюду поборающей о вѣрныхъ и на всякую усердную мольбу поспѣшающей, всесильной помощи Твоей, и тако благодарственнѣ пѣли и поютъ изъ края въ край о Тебѣ пѣснь хвалебную Богу: **аллилуїа.**

ИКОСЪ 10-й.

Веліе чудо сотвори Господь Твоего ради, о Матерь Божія, всемогнанаго объ отцѣхъ нашихъ ходатайства. Егда бо великій ненавистникъ рода христіанскаго и лютой мучитель Темираксакъ хваляшеся всю Россійскую землю положити въ запустѣніе и искоренити христіанскую вѣру, къ Тебѣ возопиша людіе Твои о спасеніи и въ покаяніи и слезахъ многихъ притекоша къ святѣй Владиміръстѣй иконѣ Твоей. И бѣжа тогда нечестивый, ибо въ сонмѣ святыхъ узрѣ той Тебе, яко Царицу, во славѣ неизреченной, молніезрачными лучами паче солнца осіяваемую и ему отъити отъ предѣлъ нашей страны грозно претящу, о вѣрныхъ же Своихъ, рукама простертыма, къ Сыну Своему молящуюся. Мы же, вѣрою несомнѣнною великое море чудесъ Твоихъ воспоминающе, и все чаяніе свое на Тя возложше, отъ мнра злыхъ устремленій, и въ насъ самѣхъ и окрестъ насъ ополчившихся, и нынѣ оградити народъ нашъ умоляем и въ рыданіяхъ многихъ поемъ: **о Благодатная, на ны належащую грозу отжени, — Мати Благая, покрывши любовію, разслабленіе наше удали и прости; о Благодатная, силу и лѣпоту Православія міру яви, — вѣры Хранительнице, и насъ убогихъ достойными ея сотвори; о Благодатная, солнца превысшую славу Твою нашему сердцу открий, — Ты, Матерь Свѣта, тьму належащую съ нашихъ очесъ разжени. О Благодатная, помилуй насъ и спаси, и паче солнечною теплотою любве**

Твоя грѣхми умерщвленнй нашъ духъ
оживи.

КОНДАКЪ 11-й.

Многажды и отцы наши ослабѣваху въ добромъ христіанствѣмъ житіи своемъ, и темнотою и невѣжествомъ, пороки и неправдами, такожде и братоненавидѣніемъ и обидами слабому, въ тину студодѣянія с бе погружаху. Обаче, и падающе глубоцѣ, не къ инѣмъ кумирамъ, но къ Единому Богу—Спасителю своему прибѣгаху, и горняя возлюбивъ, поканіемъ же слезиымъ къ Тебѣ, Заступницѣ Усердной, очи свои возводяще, не преставаху предъ святыми Твоими иконами пѣти:
аллилуіа.

ИКОСЪ 11-й.

Разоряшеса нѣкогда страна Русская лихолѣтіемъ, егда смуты и безначаліе, татьбы и обманы, убійства и кровопролитія, и злоба многая обуяша люди православные, и измалодушествовалися вси, себе погубляюще; еще же и тяжкому враговъ иновѣрныхъ и жестокихъ нашествію предаде я Господь. И кто же бы спасъ тогда изнемогшихъ и яко листвія разсыпавшихся, и уже въ бездну отчаянія пришедшихъ отцевъ нашихъ, аще не Ты, о Всеблагая, умилосердилась о нихъ, Еяже предстательствомъ, якоже повѣда святой угодникъ Божій и молитвенникъ за ны, Сергій, судъ объ отечествѣ нашемъ на милость преложилъ Владыка Христосъ. Та вся воспоминающе и большія сихъ золь во дни наша видяще, и яко въ волнахъ морскихъ погибающіи, и мы Тебе громцѣ зовемъ:

о Благодатная, злобѣ враговъ лютыхъ одолѣть насъ немощныхъ не попусти, — міра Владычице, вспять козни губительныя ихъ обрати; о Благодатная, Судію Праведнаго о насъ умоли, — Кротости Величіе, тишину мира и любви въ народѣ Твоемъ утверди. О Благодатная, помилуй насъ и спаси, и па-чесолнечною теплотою любви Твоея грѣхми умерщвленнй нашъ духъ оживи.

КОНДАКЪ 12-й.

Изліяся благодать, во апостолѣ языковъ сущая, на вся вѣрующія, яко и на недужныя наносиша отъ пота тѣла его главотяжи и убрусцы, и ти исцѣляхуся отъ недуговъ своихъ, такожде гониміи силою Божіею, бѣжаху и духи нечистиі изъ нихъ. Изливаеши и Ты, Преизбыточествующая благодатию, сію отъ полноты Твоея во святыя иконы Твоя, яже избираеши въ знаменія отъ Твоея любви помощи вѣрнымъ, надѣющимся на Тя, да поемъ, радостію торжествующе о сикъ явленіяхъ силы Твоей, вси Прославльшему яко Царицу, Тебѣ: аллилуіа.

ИКОСЪ 12-й.

Многое множество милости Своея явила сеи, Богородице, православымъ людемъ Твоимъ, наипаче же во святыхъ написаніяхъ Пречистаго Лица Твоего. Ибо и сія дивная знаменія во мчожествѣ явишася въ наши дни, ихже не знаша отцы наши и ни единый народъ на земли, яко единою точію благодатною силою Твоею, явѣ же и совершеннѣ

начимъ инымъ, обновишася и свѣтло сіяютъ святая иконы Твои. И то зряще и по достоянію воспѣти сія величія недоумѣюще, благоговѣнно преклоняются и умиляются сердцемъ вси вѣрные люди Твои. Сего ради и мы нынѣ, у Тебе единыя утѣшенія ищуще, и благодарнымъ сердцемъ дивныя дѣла любви Твоея свидѣтельствующе, аще и хладно есть въ вѣрѣ житіе наше и пусто отъ разлѣненія грѣховнаго сердце наше, прилежно у Тебе просити благаго пришествія Твоего подвизаемся, и въ вышняя Твоя сердце подѣмляюще, едиными усты и единымъ сердцемъ Тебѣ вопіемъ: **о Благодатная, къ доброму житію по вѣрѣ Христовой нашъ духъ пробуди, — жизнь намъ Родиошая, отъ закоснѣнія насъ сохрани; о Благодатная, въ надеждѣ незыблемой Ты насъ утверди, — Дѣво Владычице, Твоими вѣрными вся ны соблюди; о Благодатная, сія страны дальнія Покровомъ Твоимъ осѣни, — о всѣхъ болѣзнующи, во благо устроить нашу горькую жизнь научи. О Благодатная, помилуй насъ и спаси, и пачезолнечною теплотою любви Твоея, грѣхми умерщвляемый, нашъ духъ оживи.**

КОНДАКЪ 13-й.

О Препоблагословенная Мати, предъ Бяже любовію точію льна куреніе и самое сильное желаніе наше. Умилосердися на ны, Твоя многогрѣшныя рабы, прости и помилуй вся ны **Твоею** любовію молимъ Тя; помози, даруй избавленіе отъ отяго-

тѣвшихъ толико лѣтъ лютыхъ золъ и бѣдъ вѣрному народу Твоему, сынами невѣрія порабощенному и растлѣваемому. **Твое** избавленіе пошли—врачующее и наши недуги душевные, да на благое и вѣрное житіе по благому закону Сына Твоего придемъ мы и да сердцемъ исцѣльшіися, и о свѣтѣ вѣры нашей святыя радуящ ся, сыновнѣ изъ рода въ родъ благодарною любовію и умиле:ніемъ воспѣваемъ Всеблагому Отцу своему: аллилуіа (трижды).

МОЛИТВА КО ПРЕСВЯТОЙ БОГОРОДИЦѢ.

Богородице Дѣво, надеждо всѣмъ концемъ земли, Заступнице родахристіанскаго! Предъ честною иконою Твоею припадающе и неисчетная Твоя благодѣянія отцемъ нашимъ воспоминающе, вси мы къ Тебѣ прибѣгаемъ и изъ глубины сердца усердно вопіемъ: градъ нашъ и во удаленіи сущія люди Твоя милостію Твоею посѣти и отъ всякаго зла соблюди Даруй мірови миръ, землѣ плодовъ изобиліе, **ДЕРЖАВѢ РОССІИСТВѢЙ** крѣпость и единеніе, въ мирномъ житіи христіанствѣмъ преспѣяніе и мудрое строеніе, на враги же одолѣніе... О премилосердная Царице небесная, паче матернскія любве насъ, недостойныхъ чадъ Твоихъ, возлюбившая! Ты видиши, яко плача и рыданій достойно есть нынѣшнее житіе наше, и до конца отъ невидимыхъ и видимыхъ враговъ въ путь погибели переходить. Ибо вси мы отъ твердыни закона Бога нашего отвергохомся и въ лѣности и маловѣріи изнемогаемъ; яко сынъ блудный, на страну далече отъ пути правды Его заблудихомъ и о спасеніи нашемъ нерадимъ. Нѣсть міра, нѣсть

любве въ сердцахъ нашихъ, и тьмою грѣховъ многихъ ослѣпили мы духовныя очи свои. О пренепорочная и пречистая Владычице, благая Мати здравле вѣрнаго народа Твоего, нынѣ безмѣрными паденіи низу поверженнаго! Все мы, грѣшніи и непотребніи раби Твои, въ стенаніи сердца нашего, воздыханіяхъ горькихъ и покаяніи нелицемѣрнемъ къ Тебѣ, яко послѣдней помощи и отрадѣ нашей, прибѣгаемъ и неотступно Тебѣ зовемъ. Воспомяни вѣру и молитвы отецъ нашихъ, не отвергнись отъ насъ, но воздвигни изъ глубины грѣховныя и отъ тяжелой плѣницы беззаконій свободы. Всеисцѣльную сити Твою ниспосли, стѣною покрова Твоего насъ, въ бѣдѣ и отчаяніи сущихъ, огради и во правой вѣрѣ и дѣланіи заповѣдей Христовыхъ утверди. Облецы ревностію и святынею пастырей нашихъ, духъ ихъ, во еже прилежати доброду дѣланію въ виноградѣ семъ, возбуди, и общеніе вѣры и братскаго другъ о другѣ попеченія въ стадѣ Христовомъ насади и возрасти. Разсѣянныя собери, унывающее сердце наше любовію и умиленіемъ согрѣй, и всѣхъ насъ въ единомысліе и истину приведи; заблудшихъ же и отъ православной вѣры отступльшихъ братій нашихъ вразуми и во единеніе Святыя Церкви, яко спасительнаго для насъ ковчега, возврати. Скорбящія и во искушеніяхъ сущія умудри и подкрѣпи, озлобленныя умири, юныя направи; сирыя, убогія и вся бѣдствующія ризою Твоею честною защити. О все-сильная Владычице, радости всѣхъ скорбящихъ и страждущихъ, дивная Помощнице лютѣ обуреваемыхъ! Услыши насъ, услыши, молимъ Тя, — вонми стенаніямъ и рыданіямъ многимъ несчастныхъ чадъ Твоихъ, злѣ нынѣ погибающихъ. Посѣти мило-

стію Твоею братій нашихъ, во гладѣ и болѣзняхъ смертныхъ сущихъ, лютыя нужды ихъ утоли и отъ всякихъ злыхъ обстояній избави. Будь всѣмъ, притекающимъ къ Тебѣ, вѣрная помощь, утѣшеніе и благосотишное пристанище отъ всякихъ бурь и напастей многомятежныя нашей жизни: Ты бо еси больныхъ исцѣленіе, скорбящихъ терпѣніе и отрада, заблудшихъ и соблазняемыхъ вразумленіе, и на пути правды утвержденіе. Прими здѣприносимая моленія наша и вознеси ихъ къ престолу Всевышняго, яко да Твоимъ предстательствомъ ограждаеми и всемошнымъ покровомъ Твоимъ милостиво осѣняеми и соблюдаеми, въ благодареніи сердца нашего прославимъ, всегда побѣдители насъ творящаго — Бога, и Тебе, о наше по Бозѣ благодарное Уповаіе, нынѣ и присно, и во вѣки вѣковъ.

Аминь.

